



Fasnecht

2018

Useputzt!



Im letschte Joor wird fliessig grabe
in dr Rothuusstross, vo obe nach abe
grad nach dr Fasnacht, do fangt me a
an jedem Egge stoht vo ne re Baufirma e bis zwei Ma
vom Morge bis z'obe wird gschafft mit viel Elan
s'goht rasch vorwärts, es isch dr Wahn
in dä Läde isch nit toti Hose, wie befürchtet worde
jede Daag stönde viel Lüt im Stedtli, ganzi Kohorte
mit Aktionen wie Baustelle-Apéro und Würschtli-Grill
bechunnt jede Bsuecher so viel er will
me muess zwar uffpassee, dass me nit gheit in die Gräbe
lauft schön und sacht bi dene Gräbe drnäbe
alli si froh und glücklich, dass es so toll lauft
und d'Bevölkerig glich no im Stedtli inne chauft

Es wird Summer und es isch heiss
die Maschine mache e hölle Lärm und e riese Meis
doch das macht dä Lieschtler nüt, me duet sich dra gwöhne
dr eint oder ander Chremer duet sini Gäscht zugesätzlich verwöhne
mit Aktionen und Ständ um die Gräbe ume
duet au dr letschi Nörgeler no verstumme
d'Stadtregierig, die isch erfreut und zeigt sich voller Stolz
jä, mir Lieschtler si halt us bsunderem Holz
es goht so witer bis spot in Herbscht, fascht in Dezämber ine
und denn duet die Rothuusstross in neuem Glanz erschien
pünktlich uf e Wiehnachtsmärt isch denn d'Eröffnig, es goht los
und alli Lieschtler fiire uf dr neue Rothuusstross

Scho lang het dr Stadtrot gseit, und me duet scho plane
es git denn e Stadtfescht im Juni 2018, nundefahne
me schriebt d'Verein a und duet se motiviere
sich doch für das tolle Fescht au z'engagiere
bim Törli, dört will me e riese Beiz
vor em Rothuus nur e Bar, au das het si Reiz
vo obe bis unde uf dr ganze Stross
isch denn für drei Daag dr Teufel los
drum dien mir auch scho plane und fange a
mir ziiehn do drfür grad euses schönschtee Kostüm a
useputzt si mir, wie Ihr chönnet gseh
denn e Fescht ohni eus, das cha's doch gar nit geh
mit si drbi und mache mit, bi däm Fescht
und freue eus uf Euch als Gäscht

Stadtfescht verschobe uff 2019

Stadtfescht 2019

(Ihr wärdet wieder ghöre!)